

卷
九

SS13
007-2
1部10



張氏醫通卷之七

長洲石頑張

璐路玉父纂述

男

以柔安世

訥遜言

叅訂

大小府門

泄瀉

靈樞云。夫中熱消瘴則便寒寒中之屬則便熱胃中
熱則消穀令人懸心善饑臍以上皮熱腸中熱則出
黃如糜臍以下皮寒胃中熱則腹脹腸中寒則腸鳴
飧泄胃中寒腸中熱則脹而且泄胃中熱腸中寒則
疾饑小腹痛脹。

世醫治病但知熱以寒治寒以熱治外此總不講也。設病中熱消瘴而見懸心善饑。洵爲熱證無疑。然必審其臍以上皮熱方是胃中熱氣蘊隆。若出黃如糜不但胃中有熱而腸中亦爲熱邪奔迫可知。倘臍以下皮寒而見腹脹有似乎實熱固結實爲胃中虛寒之候。或見腸鳴飧泄非特胃中有寒且移寒於二腸矣。蓋熱泄則腸垢黃赤寒泄則驚澹清冷此病機之最顯著者。可以明辨。況有脹而泄利黃赤此脹爲胃寒陽氣不布之脹。泄爲腸熱便垢之泄。復有消穀易饑小腹脹痛之病。豈非胃中有熱腸中有寒之一驗乎。若此種種苟未明仲

景三瀉心湯黃連湯乾薑黃芩黃連人參湯厚朴
生薑半夏甘草人參湯乾薑人參半夏丸等法必
不可以語至治也

經云春傷於風夏生飧泄風小之邪內○邪氣留連

乃為洞泄邪氣留連既久則中氣失矣○清氣在下則生

飧泄不焦虛寒火不生上則中氣○大腸小腸皆屬

於胃胃脈虛則泄二脈者氣血之先脈虛則胃虛○溼

勝則濡泄脾惡溼溼勝則綿○諸厥固泄皆屬於下

脾腎俱虛則陽氣不能運於四○暴注下迫皆屬於

未故厥冷沉固而泄瀉清冷也○暴注下迫皆屬於

熱即屬陰寒久泄而此屬火化若暴泄而此屬陽虛所謂暴泄
非陽久泄也○諸病水液澄澈清冷皆屬於寒上寒性
非陰是也

注下加以澄澈清
冷安得不爲寒乎

原病式曰瀉白爲寒青爲風黃赤黑皆爲熱也大概
瀉利小便清白不瀉穀不化而色不變者寒也穀雖
不化而色變黃赤煩渴小便赤瀉者熱證也寒瀉而
消化者未之有也或火性急速傳化失當穀雖不化
而暴泄臭穢色黃者有之仲景云邪熱不殺穀以熱
得溼則飧泄也

東垣云夏間淫雨陰晦時行瀉利予一日體重肢痛
泄利而小便閉濇思其治法必用淡滲以利之今受
寒溼之邪若從淡滲非暮年所宜行年五十已上降
氣多而升氣少得淡滲之劑是降之又降陽氣愈弱

精神愈短矣。合用風藥以羗獨升柴甘防同煎所謂
涇寒之勝。以風平之。又曰下者舉之。是因曲而爲之
直也。若不達升降之理而一槩施治。安得愈乎。
李士材云。內經之論泄瀉。或言風。或言溼。或言熱。或
言寒。此名四氣。皆能爲泄也。又言清氣在下則生殭
泄。此名脾虛下陷之泄也。統而論之。脾土强者自能
勝溼。無溼則不泄。故曰溼多成五泄。若土虛不能制
溼。則風寒與熱皆得干之。而爲病。治法有九。一曰淡
滲。使溼從小便而去。如農夫治澇。導其下流。雖處卑
監。不憂巨浸。經云治溼不利小便。非其治也。又云在
下者引而竭之。是也。一曰升提。氣屬於陽。性本上升。

胃氣注迫輒爾下陷升柴羌葛之類鼓舞胃氣上騰
則注下自止又如地土淖澤風之卽乾故風藥多燥
且溼爲土病風能勝溼所謂下者舉之是也一曰清
涼熱溼所至暴注下迫苦寒諸劑用滌懣蒸猶當溽
暑鬱蒸之時而商飈淅然倏動則炎歆如失矣所謂
熱者清之是也一曰疏利痰涎氣滯食積水停皆令
人瀉隨證祛逐勿使稽留經云實者瀉之又云通因
通用是也一日甘緩瀉利不已急而下趨愈趨愈下
泄何由止甘能緩中善禁急速且稼穡作甘甘爲上
味所謂急者緩之是也一曰酸收瀉下有日則氣散
而不收無能統攝注泄何時而已酸之一味能助收

攝之權經云散者收之是也。一曰燥脾土德無慙水邪不濫故瀉皆成於土溼溼皆本於脾虛倉廩得職水穀善分虛而不培溼淫轉甚經云虛者補之是也。一曰溫腎腎主二便封藏之本雖屬水而真陽寓焉少火生氣火爲土母此火一衰何以運行三焦熟腐水穀乎故腎虛者必挾寒脾虛者必補母經云寒者溫之是也。一曰固瀉注泄日久幽門道漏雖投溫補未克奏功須行瀉劑則變化不恆揆度合節所謂滑者瀉之是也已上九治治瀉之大法至於先後緩急之權豈能豫設須臨證之頃圓機靈變耳。戴復菴云瀉水而腹不痛者溼也升陽除溼湯或胃

醫通卷之十
苓湯○飲食入胃輒後便完穀者氣虛也香砂六君
子或枳實理中湯○腹痛瀉水腸鳴痛一陣瀉一陣
者火也黃芩芍藥湯○痰留於肺大腸不固或時瀉
或時不瀉或多或少者痰也脈必弦滑其人神色不
瘁二陳加蒼朮木香或探吐之更佳○腹痛甚而不
泄泄後痛減者食積也保和丸消導之○餐泄者史
記名迴風水穀不化溼兼風也風邪于胃木來賊土
清氣在下升陽除溼湯若飲食下噎而輒出不留者
死○溇泄者污積枯垢溼兼熱也黃芩芍藥湯加香
連○驚溇者中寒糟粕不化色如鴨糞所以澄澈清
冷小便清白溼兼寒也附子理中湯○洞泄者卽名

濡泄體重軟弱瀉下多水溼自盛也胃苓湯○水液去多甚而轉經血枯故筋急也升陽除溼湯○滑泄者久下不能禁溼勝氣脫也四桂飲不應用六桂飲○熱瀉糞色赤黃彈響作疼糞門焦痛糞出穀道猶如湯熱煩渴小便不利五苓散瀉水多者亦必用之若去桂卽不効○寒瀉腹脹泄注食卽嘔吐理中湯加肉桂訶子升麻○食久窘迫大便色白腸鳴切痛脈沉遲身冷不渴溼清或綿綿腹痛附子理中湯加肉果○夏暑暴瀉如水周身疼痛汗出脈弱少氣甚者加吐此名緊病漿水散○盛暑逼於外陰冷伏其中非連理湯不可氣虛而瀉四君子加升柴肉果訶

子。○傷食泄瀉必噯氣如敗卵臭。保和丸虛者治中
湯加減。○積滯泄瀉腹必絞痛。方泄者是也。平胃散
加磨積藥。○傷酒瀉葛花解醒湯。○痰瀉則頭暈惡
心胸腹迷悶。或時瀉甚。或時不瀉。二陳湯加海石香
附。星香芩連薑汁調神麴糊丸服。○有人患早起泄
瀉。或時有血。午後仍便結。糞能食善飲。此是酒積作
瀉。二陳加炮薑酒炒川連紅麴。陳酒麴糊丸。烏梅湯
下。有血去。半夏加麝少許。晨夕各一服。○日間無事
將晡腹膨。一夜腸鳴不得寬泰。次早洞泄。此各顛瀉
是脾虛溼盛也。胃苓湯加木香砂仁。虛者理苓湯加
木香。○氣泄腸鳴失氣胸膈痞悶腹急而痛。瀉則腹

下。稍安須臾又急。亦有腹急氣塞而不通者。此由脾
脘停滯。氣不流轉。水穀不分。所致木香調氣散。○水
瀆入胃。名爲溢。飲滑泄。渴能飲水。水下復泄。泄而大
渴。茯苓甘草湯。五苓散。并灸大椎三五壯。立已。乃督
脈之病也。○泄而口渴。引飲小便短濇。此爲津液內
亡。錢氏白朮散。○腎水不足之人。患泄或過服分利
之劑。而渴者。加減八味丸。失治必致小便不利。水腫
脹滿等證。成矣。○凡大便泄服理中湯。小便不利。大
便反泄。不知氣化之故。朮肺不傳化。以純熱之藥治
之。是以轉泄。少服則不止。多服則愈熱。所以不分五
苓散。加入參炙甘草。名春澤湯。經云。膀胱者。州都之

官津液藏焉。氣化則能出矣。○瀉而腹熱脈滑堅者屬實。當與消導。不應是食積發熱也。加香連更不應加大黃微下之。○瀉而經年不止者屬寒積。備急九神効。○泄瀉惡心欲吐或水土不伏或感出嵐瘴氣而瀉藿香正氣散。○脾胃虛弱內挾風冷泄瀉注下水穀不化臍下疝痛腹中雷鳴乃積寒久利腸滑不禁木香散。若藥與食入口卽瀉下者名直腸瀉難治。本方加人參白朮用伏龍肝湯煎服。○憂思太過脾氣結而不能升舉陷入下焦而成泄瀉者逍遙散去歸加升麻木香或越鞠枳朮相和服不應用補中益氣加木香。○久瀉穀道不合或脫肛乃元氣下陷大

腸不行收令而然。補中益氣加訶子肉果五味烏梅
肉爲丸。或四君子加防風升麻。○老人消運不及而
膨脹作瀉。丸味資生丸加木香。善飲者加澤瀉肉桂
○凡瀉多因於溼。分利小水爲上。若老人氣虛下陷
又宜風藥以勝之。如補中益氣加羌防之類。或升陽
除溼湯。并舉脾胃。所謂下者舉之。溼寒之勝以風平
之是也。大瀉氣脫而不知人口眼俱閉。呼及欲絕。急
之氣海穴大進。參附輩溫補之。稍遲卽不可救。
五更瀉是腎虛失其閉藏之職也。經曰。腎司開闔。腎
開竅於二陰。可見腎不但治小便而大便之開闔皆
腎操權也。今腎旣衰。則命門之火熄。而火獨治。故令

人水瀉不止其瀉每在五更天將明時必洞泄二三
次以腎旺於亥子五更之時故特甚也惟八味丸以
補其陰則腎中之水火既濟而開闔之權得宜況命
門之火旺則能生土而脾亦強矣有用六味丸加沉
香砂仁以出藥末打糊代蜜爲丸以攝火歸源而愈
者有用六味丸加遠志益志兼調脾腎而愈者有用
六味丸七分雜二神丸三分服之而愈者有用五味
子煎湯送四神丸者有用二神丸加五味子山茱萸
肉桂茴香陳米飲糊爲丸服者亦有屬酒積食積者
蓋一日進取之物至此時皆下大府而急奔也但食
積之瀉其腹必脹滿瀉後則頓減瀉下皆是稀糞酒

積瀉下都是稀沫或有兼血積者與腎瀉之純清水液迥乎不同也審係何積卽以何積治之。

石頑曰泄瀉諸治法頗詳何獨不及虛損之泄瀉也蓋腎藏真陰虛則火邪勝火邪上升必傷肺而爲欬逆真陽虛則水邪勝水氣內溢必漬脾而爲泄瀉旣救且泄上下俱病先後天之氣竝傷故虛損關揆全係乎此余嘗用理中丸加五味子以治下泄異功散加細辛以治上欬每每獲効若服之作脹發熱者終難挽回不可以其欬瀉俱緩輕許其治也。

診○內經云脈細皮寒氣少泄利前後飲食不入是謂五虛死其漿粥入胃泄注止則虛者活泄而脈大

者難治。大便赤。辦飧泄。脈小者。手足寒。難已。飧泄。脈
小。手足溫者。易已。脈經云。洩注。脈緩時小。結者生。
浮大數者死。又洞泄。食不化。脈微者。留連者生。緊急
者死。脈滑按之虛者。必下利。腎脈小。甚為洞泄。脾脈
小為泄瀉。仲景云。不利日十餘行。脈反實者死。腹
鳴而滿。四肢清。診其脈洪大者死。腹大脹。四肢清。脫
形泄。甚不及一時而死。下則泄瀉。上則吐痰。皆不已。
為上下俱脫死。

滑伯仁治一人。年老色蒼。夏月與人爭辨。冒雨勞
役。受饑。且犯房事。夜半忽病。發熱惡寒。上吐下瀉。
昏悶煩躁。頭身俱痛。因自發汗。汗遂不止。脈皆洪。